

"Хунармандлар маркази" хотин-қизларнинг севимли масканига айланмоқда

300 иш ўринга мўлжалланиб туман марказида бунёд этилган "Хунармандлар маркази" фаолиятини йўлга қўйганига ҳали узоқ вақт бўлмади. Қисқа фурсатларда эришилган натижа эса ёмон эмас.

Янги бино З қаватли бўлиб, савдо комплекси ва кўргазмалар зали, гилам тўқиши ҳамда атлас ва адрес матоларини ишлаб чиқариш бўлимларидан иборат. Машхур ҳунарманд Иброҳимжон Султонов раҳбарлик қилаётган марказ 300 дан ортиқ хотин-қизлар иш билан таъминлаши кўзда тутилган. Гилам тўқиши, атлас, драс ва баҳмал матоларини тўқишини ўрганган хотин-қизлар фаолиятларини ўз уйларида касаначилик асосида олиб бориш имконияти ҳам мавжуд.

Марказ фаолиятини ривожлантириш, "Аёллар дафтари"га киритилган ишсиз хотин-қизларни ишга жойлаштириш, ҳунарни ўрганган аёлларни касаначиликка жалб этиш бўйича туман ҳокимлиги ва мутасаддилар томонидан тарғибот ишлари олиб борилмоқда.

Наргизахон Омонова 10 йилдирки баҳмал тўқиши билан мунтазам шуғулланиб, кўплаб шогирдларга ҳунар сир-асрорларини ўргатиб келмоқда. Моҳир устанинг таъкидлашича, агар инсонда қунт бўлса, шу ҳунар орқали келажагини кўра олса, узоғи билан икки ҳафта давомида бу ҳунарни эгалласа бўлади. Саддалик мактаб битириувчиси бўлган Зулхуморхон Азимованинг ҳам бу ҳунарни ўрганишча бўлган иштиёқи баланд. Бир ҳафта деганда устози Наргизахон Омонованинг анча-мунча ҳунаридан "ўғирлади".

"Хунармандлар маркази"да бундай ёшларимизни кўплаб учратишимиз мумкин. Гилам тўқиши, адрес, атлас ва баҳмал матоларини ўрганишга ошиқаётган ёшлар, хотин-қизлар сафи эса кун сайин ортиб бормоқда. Албатта, ишчи ўринлар сони чекланган, лекин бу ҳунарларни эгаллаган хотин-қизлар фаолиятларини касаначилик асосида ўз уйларида давом эттириш имконияти ҳам мавжуд. Бўшаган иш ўринлари эса, яна янги ҳунар ўрганувчилар ҳисобига доимий тўлдириб борилади.

Тошлоқ тумани ҳокимлиги Ахборот хизмати

2021-07-13 18:22:43